

रामदेव जी बाबा बेगा पधारो,
सभा थांकी बांट जोवे घणी,
चरण शरण मे राख उबारो,
आप बिना मारो कोन घणी ॥

पाठ पुरावा जमो जगावा,
आप आओ धणी मुकट मणि,
अर्जी पे अर्जी लिखा आपने,
या अर्जी मारी सुणो धणी ॥

अजमल सुत रामदेव जी बाबा,
मैणादे माता आपकी बणी,
रख सायर ने भूल गया दाता,
या अर्जी लिखा आप तणी ॥

वासु देव देवकी जाया,
नन्द बाबा के लीला आप करणी,
सायर सुत मंगनी का लाला,
पडियार हो गया भुजंग फणी ॥

सुगना बाई बहन लाडली,
ज्यामे विपत्ता आय ठणी,
रतना कि सहाय करि आपने,

भाणेज आपका हीरा कणी ॥

चार जुगा से बाट जो रही,
मेगा के मेघड़ी एक जणी,
वचन दिया जो पार लगाओ,
आप बिना बातां अलुणी ॥

अखण्ड जोत रखा की बताई,
ऋषिमुनि तपस्या तापे धुणी,
रख मर्यादा राखो धणी रामा,
आप बड़ा हो सैलाणी ॥

गोकुल स्वामी अन्तर्यामी,
आपका भगत सदा परमाणी,
लादूदास चरण शरण मे,
आप सदा हो म्हारे अगवाणी ॥

रामदेव जी बाबा बेगा पधारो,
सभा थांकी बांट जोवे घणी,
चरण शरण मे राख उबारो,
आप बिना मारो कोन घणी ॥

गायक चम्पा लाल प्रजापति ।
मालासेरी डूंगरी 89479-15979



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>